



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**KEREITE YA 12**

**SESOTHO PUO YA TLATSETSO YA BOBEDI (SAL)**

**PAMPIRI YA BORARO (P3)**

**PUDUNGWANA 2023**

**TATAISO YA HO TSHWAYA**

**MATSHWAO: 80**

**Tataiso ena ya ho tshwaya e na le maqephe a 10.**

## KAROLO YA A: MOQOQO

### POTSO YA 1

#### TATAISO YA HO TSHWAYA MOQOQO

- Moqoqo o ke ke wa hloka sesupo leha e le sefe sa hore o badilwe wa ba wa abelwa matshwao ka tshwanelo. Matshwao a abetsweng moqoqo e be a loketseng.
- Ho se tshwane le kgutsufatsong moo ho nang le pehelo ya moedi o tlamang wa palo ya mantswa, moqoqo ke sengolwa sa boiqapelo. Moqoqo ha o phalla ho ya ka boiqapelo mme o hohela mmadi, e tla be e le leeme ha ho tsepamiswa maikutlo hodima bolelele feela ho na le hore ho shejwe dintlha.  
Molao ke hore:
- Ho se eketswe dikotlo kaha ruburiki ka boyona e na le dikotlo.

#### 1.1 Tlhekefetso e fetola semelo sa motho.

Mohlalobuwa a hlalose/phete kamoo tlhekefetso e fetolang semelo sa motho kateng.

- A hlalose/phete ka mofuta wa tlhekefetso e lebisitseng ho fetoleng semelo sa motho.
- Ho hlake moqoqong hore tlhekefetso e fetotse semelo sa motho ka mokgwa o jwang.

[40]

#### 1.2 Bobodu bo bongata ditshebeletsong tsa setjhaba.

Mohlalobuwa a phete/hlalose ka bobodu bo bongata ditshebeletsong tsa setjhaba.

- A hlalose/phete diketsahalo tse nnetefatsang hore bobodu bo etsahahetse kae le hona ke ba mofuta ofe.
- Maikutlo le sehalo di hlake ka bobodu boo a buang ka bona.

[40]

#### 1.3 Ke batla ho ba morui.

Mohlalobuwa a hlalose/phete ka tsa ho batla ho ba morui ha hae.

- Ho hlake moqoqong hore o batla ho ba morui wa diphoofolo kapa ya nang le tjehelete e ngata, jj.
- A ka hlalosa/pheta seo a ka se etsang hore e be morui.
- Mohlahlobuwa a hlalose/phete lebaka/mabaka a etsang hore a batle ho ba morui.

[40]

#### 1.4 Ke yena feela motho eo e ka bang tharollo ya mathata a rona.

Mohlalobuwa a phete/hlalose ka motho eo e ka bang yena feela tharollo ya mathata a bona.

- A hlalose/phete ka mathata le hore motho eo a ka rarolla mathata a bona jwang.

[40]

1.5 – **Ditshwantsho**

1.8

Dikahare tsa moqoqo di laolwa ke mehopolo ya sehlooho ya boiqapelo ba mohlahlobuwa ka mong. Moqoqo o ngolwa ka lehlakore lefe kapa lefe.

[40]

**MATSHWAO OHLE A KAROLO YA A:**

**40**

**TATAISO YA SEBOPEHO SA DITEMA TSA MOQOQO**

<b>Mefuta ya Ditema</b>	<b>Moqoqo wa Phetelo/o hlalosang</b>
<b>Sebopeho sa ka ntle</b>	<ul style="list-style-type: none"><li>• Sehlooho</li><li>• Selelekela</li><li>• Mmele</li><li>• Phethelo</li></ul>
<b>Sebopeho sa seratswana</b>	<p><b><u>Mohato/ Setepe</u></b> Moralo wa mantlha o hatellang hodima ditsela tse itseng tsa ho etsa dintho le tsa phetelo tse itshetlehileng hodima tlhahlamano ya diketsahalo ho latela nako.</p> <ul style="list-style-type: none"><li>• Polelo ya mohopolo wa sehlooho</li><li>• Dipolelo tsa tlatsetso ho bontsha tlhahlamano ya diketsahalo.</li></ul>
<b>Makgetha</b>	<ul style="list-style-type: none"><li>• Di re qoqela ka pale e mabapi le motho/batho, sebaka le nako ya diketsahalo.</li><li>• Di na le mopheti kapa mongodi wa pale.</li></ul>

**KAROLO YA A: RUBURIKI YA TATAISO YA HO TSHWAYA MOQOQO (MATSHWAO A 40) – SESOTHO PUO YA TLATSETSO YA BOBEDI (SAL)**

**ELA TLHOKO:** Matshwao a 0-40 a abilwe ho ya ka dithaloso tse arotsweng ka dikgato tse 5.  
Lekgetheng la pele, tlhaloso ya boiphihlelo e arotswa HABEDI ho hlalisa boemo bo hodimo le bo tlase; boemo bo bong le bo bong bo na le tlhaloso ya bona.

Makgetha a ho lekanyetsa	Phihlelo e babatsehanga	Phihlelo e supang bokgoni	Phihlelo e mahareng	Phihlelo ya motheo feela	Phihlelo e haellang
<b>DIKAHARE LE MORALO</b> Nehelano ya sehlooho: tlhophiso ya mehopolole dintlha, kelohlolo ya baamohedi ba ditaba, maikemisetso le maemo.	<b>22-24</b> -Nehelano e babatsehanga ho feta tebello e tlwaelehileng -Mehopolole bontshang bohale, e phepetsang monahano, ebile e sutsitse -O hlophisitse le ho hokelwa ka boqhetsheke, ho kenyeditswe selelekela, mmele le qetelo	<b>18</b> -Nehelano e ntle haholo -Mehopolole ke e loketseng ebile e kgahlisa ka bottlalo le bopaki ba nehelano e butswitseng -O hlophisitse le ho hokelwa hantle haholo ho kenyeditswe selelekela, mmele le qetelo	<b>12-16</b> -Nehelano e kgotsofatsang -Mehopolole e momahane le ho kgodisa ka tsela e amohelehanga -O hlophisitse le ho momahana ka tsela e amohelehanga ho kenyeditswe selelekela, mmele le qetelo	<b>7-11</b> -Nehelano e momahane mona le mane -Mehopolole ke e sa hlangang ebile e seng ya boiqapelo -Ho na le bopaki bo fokolang ba tlhophiso le momahano ya mosebetsi	<b>0-6</b> -Nehelano e tswile lekoteng hohang -Mehopolole ke e sa tsepamang, e dubakaneng -Ha e utlwahale mme mehopolole e a phetakakwa -Ha e a hlophiswa le hona ho hokeleha
	<b>19-21</b> -Nehelano e tswileng matsoho leha e haellwa ke matshwao a boqhetsheke ba moqoqo o babatsehanga -Mehopolole e sutsitseng ebile e bontsha boiphihlelo bo hodimo -O hlophisitse le ho hokelwa ka bonono ho kenyeditswe selelekela, mmele le qetelo	<b>17</b> -Nehelano e radilwe hantle -Mehopolole ke e loketseng, mme e thahasellisang -O hlophisitse le ho hokelwa hantle ho kenyeditswe selelekela, mmele le qetelo			
<b>Matshwao a 24</b>					
	<b>10-12</b>	<b>8-9</b>	<b>6-7</b>	<b>4-5</b>	<b>0-3</b>
<b>PUO, SETAELE LE HO HLAOLA DIPHOSO</b> Sehala, rejistara, setaele, tlhotlontswa ke tse lokelang sepheo/tshusumetso le maemo; Kgetho ya mantswe Tshebediso ya puo le tlwaelo, matshwao a ho bala le mopeleto.	-Tshebediso ya puo ke e babatsehanga, sehala se kgahlisang ebile se le matla -O batla o hloka diphoso tsa melao ya puo le tsa mopeleto -O radilwe ka bokgoni bo tsotehang	-Tshebediso ya puo e ntle haholo ebile e matla -Boholo ba mosebetsi ha o na diphoso tsa mopeleto, sehala se matla ebile se nepahetse -O radilwe hantle haholo	-Tshebediso ya puo ke e loketseng leha e na le ho hloka botsitso mona le mane -Sehala se sebeditswe ka tshwanelo leha puo ya bonono e haella.	-Tshebediso ya puo ke e haellang -Popo ya dipolelo ke e se nang motswako -Tlhotlontswa e haella haholo	-Tshebediso ya puo ke e sa utlwisiseehang -Tlhotlontswa e haellang haholo hoo nehelano e sa utlwisisehang
<b>Matshwao a 12</b>					
<b>SEBOPEHO</b> Makgetha a tema: popeho ya dipolelo le kgodiso ya diratswana le bolelele bo hlokehang.	<b>4</b> -Kgodiso ya sehlooho ke e babatsehanga -Dintlha tse phethahetseng ka bottlalo -Dipolelo le diratswana di bopilwe ka tsela e babatsehanga	<b>3</b> -Kgodiso ya dintlha ke e utlwisisehang, mme e hodisang sehlooho -O momahane -Dipolelo le diratswana di a utlwisiseha ebile di tswakilwe	<b>2</b> -Dintlha tse loketseng di a hodiswa -Dipolelo le diratswana di bopilwe hantle -Moqoqo o na le moelelo	<b>1</b> -Dintlha tse itseng di a utlwahala -Dipolelo le diratswana di na le diphoso -Moqoqo o ntse o na le moelelo o itseng	<b>0</b> -Dintlha tse hlokehang di a haella -Dipolelo le diratswana di fosahetse -Moqoqo ha o na moelelo
<b>Matshwao a 4</b>					
<b>MATSHWAO</b>	<b>33-40</b>	<b>28-30</b>	<b>20-25</b>	<b>12-17</b>	<b>0-9</b>

<b>Makgetha a ho lekanyetsa</b>	<b>Matshwao</b>	<b>Senotlolo</b>
Dikahare/Moralo	24	DM =
Puo/Setaele/Ho hlaola diphoso	12	PSH =
Sebopeho	4	Seb =
<b>Matshwao ohle</b>	<b>40</b>	

## **KAROLO YA B: DITEMA TSA KGOKAHANO TSE TELELE**

### **POTSO YA 2**

#### **2.1 LENGOLO LA SETSWALLE**

Mohlalobuwa a lakaletse motswalle wa hae mahlohonolo ha a fumane mosebetsi mose ho mawatle.

##### **Sebopeho**

- Aterese ya mongodi e ngolwe hodimo letsohong le letona mme e ngolwe ka sebopeho sa boloko;
- Ho se sebediswe matshwao a puo, ntle le ha ho na le dikgutsufatso;
- Tlase aterese ho tlole mola ebe ho ngolwa mohla oo lengolo le ngolwang ka ona;
- Ho latele tumedisio (e bontshe kamano le ya ngollwang, ho hlake hore ke motswalle), ha ho letshwao la puo le sebediswang;
- Mmele o ngolwe ka diratswana: ho be le selelekela, mme ho latele diratswana tse ding tse jereng ditaba;
- Sepheo sa ho ngola se utlwahale (ho lakaletsa motswalle wa hae mahlohonolo ka ho fumana mosebetsi mose ho mawatle).
- Qetello e be e kgutshwane, mme e phethele ditaba ka tsela e utlwahalang ho itshetlehlilwe feela kamanong ya mongollwa le ya ngolang.

**[20]**

#### **2.2 LENGOLO LA SEMMUSO**

Mohlalobuwa a ngolle lekgotla la tsamaiso la sekolo lengolo ho hlahisa teboho ya hae ka thuso eo lekgotla la sekolo le ba fileng yona.

##### **Sebopeho**

- Lengolo lena le na le aterese tse pedi (ya mongodi le ya mongollwa);
- Aterese ya mongodi e ngolwe hodimo ka letsohong le letona, e ngolwe ka sebopeho sa boloko;
- Tlase aterese ya mongodi ho tlole mola ebe ho ngolwa mohla oo lengolo le ngolwang ka wona;
- Ho se sebediswe matshwao a puo, ntle le ha ho na le dikgutsufatso;
- Aterese ya mongollwa e ngolwe ka letsohong le letshehadi haufi le mola, mme ho qalwe ka maemo a motho eo (j.k. Modulasetulo);
- Ho latele sehlooho se totobatsang sepheo sa ho ngola;
- Ebe ho latela mmele o hlahiswang ka diratswana;
- Selelekela se totobatse sepheo sa ho ngola.

**[20]**

### 2.3 PUISANO

- Dikahare di hlakise puisano dipakeng tsa mosuwehlooho le moemedi wa baithuti.
- Ka mehla puisano e ngolwa e le ho puommui.
- Lebitso la sebui le ngolwe letsolong le letshehadi la leqephe, le latelwe ke kgutlopedi.
- Ditlhaloso tsa tlatsetso tse kang lebaka la bohlokwa hore mokete wa Kereiti ya 12 o be teng.
- Polelo e nngwe le e nngwe e be karabelo ya puo e sa tswa buuwa.
- Sehalo le puo tse sebediswang di tla itshetleha kamanong ya dibui tse buisanang.
- Ho tlole mola pakeng tsa sebui ka seng.

[20]

### 2.4 RAPOROTO

Mohlalobuwa o tlalehela sepolesa ka se ileng sa etsahala ha moithuti ya neng a tsamaya ka pele ho yena a tla nkelwa selefounu ya hae.

- Ke tlaleho ya ketsahalo e bonweng ka mahlo;
- E lokela ho ba kgutshwane, mme e fupare dintlha tse latelang:
  - E be le sehlooho;
  - Letsatsi, nako le kgwedi di bolelwe ka ho bona motho a nkelwa selefounu.
  - E hlahise motho/batho bao raporoto e lebisitsweng ho bona;
  - Mngodi a tobe taba;
  - Puo e be ya semmuso mme ho sebesidwe dipolelo tse phethahetseng.
- E ngolwa ho hlaha ntlhakemong ya mongodi;
- Hangata ho sebediswa dipolelo tse ho lekgathe lefetile/lephethi.

[20]

**MATSHWAO OHLE A KAROLO YA B: 20**

## KAROLO YA C: DITEMA TSA KGOKAHAHO TSE KGUTSHWANE

### POTSO YA 3

#### 3.1 PHOUSERARA

Mohlalobuwa o lokela ho totobatsa hore o rekisa diaparo tsa kgale tsa sekolo. A bolele mefuta ya diaparo tseo a tlang ho di rekisa.

- Phousetara e phatlalatsa molaetsa, mme e boele e memele batho ho se phatlalatswang.
- E ba le sehlooho se totobetseng, se ngotsweng ka ditlhaku tse kgolo;
- Molaetsa kapa ditaba tsa yona, di ngolwa ka mongolo o moholo, o hohelang batho.
- Molaetsa wa yona o fupara dintlha tse latelang:
  - Sebaka sa kgwebo.
  - Matsatsi ao kgwebo ena e tla bulwa ka ona.
  - Nako.
  - Tefo ya diaparo tse rekiswang.

[20]

#### 3.2 DITSHUPISO

Mohlalobuwa a laele metswalle ya hae tsela eo ba tla e tsamaya ho tloha boemafofaneng ho ya fihla holong ya motse moo mokete o tla tshwarelwaneng teng.

- Boholo ba dipolelo di be ho sekaotaelo temekisong ya tumelo.
- Ditshupiso di hlahlamane le ka kutlwusiso. Diketsahalo e be tse momahaneng.
- Ho buuwe ka lehlakore le itseng. Mohlala: thinyetsa ka letsohong le letona, le letshehadi, tsamaya o lebile pele, jj.
- Ho bolelwe mabitso a diterata tse tlang ho nkuwa le diroboto tse kae pele a fihla holong ya motse. Dipolelo tse latelang di ka o thusa haholo ha o supisa motho tsela: o feta ..., o hahamala jwalo ..., o iphaphate ka lehlakore la ..., haufi le ..., ka morao/pele ho jj.
- Ho bolelwe mabitso a dibaka tse tsebahalang tse tla fetwa ka lehlakoreng le letshehadi, le letona kapa ka pele.
- Puo e hlakileng, e otlohileng le e utlwisisehang ha bobebe e lokela ho sebediswa, mme sehalo ke se tsamaelanang le mofuta wa tema e ngolwang;
- Ho sebediswa lehoketsi la motho wa bobedi, kaha ke yena ya laelwang kapa ya supiswang.

[20]



### 3.3 **IMEILE**

Mohlalobuwa o ngolla mookamedi wa suphamakete e itseng mme a tletleba ka ditshila le ho tlolewa ke nako ya ho jowa ha dijo tseo a di boneng dishelelong tsa suphamakete eo. Imeileng ya hae a hlakise ditshila le dijo tse neng di se di tlotswe ke nako ya ho jowa. A nehelane ka bopaki ba dijo tse tlotsweng ke nako.

#### **Sebopeliso**

- Ho ngolwa aterese ya imeile ya mongodi le ya mongollwa.
- Atereseng ya imeile kang ho be le @, ho se siuwe sebaka dipakeng tsa ditlhaku mme ho se be le kgutlo pheletsong ya yona.
- Ho latele sehlooho se totobatsang sepheo sa ho ngola.
- Ebe o kena tabeng.

**[20]**

**MATSHWAO OHLE A KAROLO YA C: 20**

**MATSHWAO OHLE A PAMPIRI ENA: 80**

**KAROLO YA B & C: RUBURIKI YA HO LEKANYETSA TEMA YA KGOKAHANO E TELELE LE E KGUTSHWANE (MATSHWAO A 20)  
SESOTHO PUO YA TLATSETSO YA BOBEDI (SAL)**

Makgetha a ho lekanyetsa	Phihlelo e babatsehlang	Phihlelo e supang bokgoni	Phihlelo e mahareng	Phihlelo ya motheo feela	Phihlelo e haellang
<b>DIKAHARE, MORALO LE SEBOPEHO</b>  -Nehelano ya sehlooho le mehopollo; - Tlhophiso ya mehopollo; - Kelohlolo ya baamohedi ba ditaba, maikemisetso le maemo.  <b>Matshwao a 12</b>	<b>10-12</b>  -Nehelano e babatsehlang haholo ho feta ditebello tse tlwaelehileng - Mehopollo e matla, e butswitseng -Tsebo e batsi ya makgetha a mofuta wa tema -Mosebetsi o tsepame -Mehopollo le dikahare di momahane -Nehelano e manollotswe ka boqheteke mme dintlha tsohle di tshheheta sehlooho -Sebopeho ke se nepahetseng ka botlalo	<b>8-9</b>  -Nehelano e ntle haholo, e bontshang tsebo e ntle ya makgetha a mofuta wa tema -Nehelano e tsepame - ha e kgere -Mehopollo le dikahare di momahane, mme di manollotswe hantle haholo ka dintlha tse tshhehetsang sehlooho -Sebopeho ke se loketseng se nang le diphoso tse mmalwa haholo	<b>6-7</b>  -Nehelano e lekaneng, e bontshang tsebo ya makgetha a mofuta wa tema -Nehelano ha e a tsepama ka ho phethahala – ho na le ho kgera ho itseng -Mehopollo le dikahare di na le momahano e lekaneng feela -Ke dintlha tse itseng feela tse tshhehetsang sehlooho -Ka kakaretso, sebopeho se nepahetse leha se na le diphoso tse itseng	<b>4-5</b>  -Nehelano ya motheo e bontshang tsebo e itseng ya makgetha a mofuta wa tema -Mosebetsi o na le tsepamo e itseng empa o a kgera -Ha se ka dinako tsohle mehopollo le dikahare di momahaneng - Sehlooho se tshhehetswa ke dintlha tse mmalwa -Melao ya sebopeho e sebedisitse ka bohlotso bo boholo -Kgaello e itseng ya tsa bohlokwa	<b>0-3</b>  -Nehelano e totobatsa kgaello ya tsebo ya makgetha a mofuta ona wa tema -Moelelo o nyotobetse ke ho kgera ho hoholo -Mehopollo le dikahare ha di na momahano -Ke dintlha tse mmalwa haholo tse tshhehetsang sehlooho -Ha ho boiteko ba ho sebedisa melao ya sebopeho
<b>PUO, SETAELE LE HO HLAOLA DIPHOSO</b>  - Sehalo, rejistara, setaele, maikemisetso, baamohedi ba ditaba le maemo; -Tshebediso ya puo, tlwaelo ya tshebediso ya puo, kgetho ya mantswa, matshwao a ho bala le mopeleto  <b>matshwao a 8</b>	<b>7-8</b>  -Sehalo, rejistara, setaele le tlotlontswa di loketse maikemisetso, baamohedi ba ditaba le maemo ka ho fetisisa -Melao ya puo e nepahetse ka botlalo ebile nehelano e bopehile hantle -E batla e se na diphoso	<b>5-6</b>  -Sehalo, rejistara, setaele le tlotlontswa di loketse maikemisetso, baamohedi ba ditaba le maemo ka botlalo -Ka kakaretso, melao ya puo e nepahetse ebile e bopehile hantle -Tlotlontswa e ntle haholo -Mosebetsi boholo ha o na diphoso.	<b>4</b>  -Sehalo, rejistara, setaele le tlotlontswa di loketse maikemisetso, baamohedi ba ditaba le maemo -Mosebetsi o na le diphoso tse itseng tsa melao ya puo; -Tlotlontswa e lekaneng -Diphoso ha di nyotobetse moelelo.	<b>3</b>  -Sehalo, rejistara, setaele le tlotlontswa ha di a lokela maikemisetso, baamohedi ba ditaba le maemo ka botlalo -Tshebediso ya puo e fosahetse ebile e tletse diphoso tse ngata -Tlotlontswa e haellang -Moelelo o nyotobetse	<b>0-2</b>  -Sehalo, rejistara, setaele le tlotlontswa ha di dumellane le maikemisetso, baamohedi ba ditaba le maemo -Mosebetsi o tletse diphoso mme o dubakane -Tlotlontswa ha e a lokela sepheo -Moelelo o nyotobetse haholo
<b>MATSHWAO</b>	<b>17-20</b>	<b>13-15</b>	<b>10-11</b>	<b>7-8</b>	<b>0-5</b>

**SENOTLOLO SA HO ABA MATSHWAO:**

Makgetha a tekanyetso	Matshwao	Senotlolo
Dikahare, Moralo le Sebopeho	12	DMS =
Puo le Setaele le ho Hlaola diphoso	8	PSH =
<b>Matshwao ohle</b>	<b>20</b>	

Difuperweng tsa pampiri ena di se sebediswe ntle ho tumello